

大學衍義

一
卷
五
冊

大學衍義卷之二十八

誠意正心之要一

崇敬畏

修己之敬

堯典曰欽明文思

欽敬也

又曰允恭克讓

允信也恭敬也克能也讓

也

舜典曰溫恭允塞

溫恭者和粹而恭敬也塞實也

禹貢曰祗台德先

祗敬也台我也言敬德為天下先

不距朕行

距違也

詩商頌曰湯降不遲

謂應期而生不後也

聖敬日躋

躋進也升也

大

雅曰穆穆文王

穆穆深遠之意

於緝熙敬止

於美也緝續也熙廣也止助辭

臣按堯舜禹湯文武皆天縱之聖而詩書之敘其德必以敬爲首稱蓋敬者一心之主宰萬善之本原學者之所以學聖人之所以聖未有外乎此者聖人之敬純亦不已卽天也君子之敬自強不息由人而天也聖人之敬安而行之然成湯之日躋文王之緝熙雖非用力亦若未嘗不用其力者蓋日躋者進進不已之意緝熙者續續無窮之功此湯文之所以聖益聖也人主而欲師帝王其可不用力於此乎

曲禮

禮記首篇名

曰毋不敬

母者禁止之辭

儼若思

儼端莊貌人之坐思貌

儼然

安定辭

辭言也

安民哉

呂大臨曰。毋不敬者。正其心也。儼若思者。正其貌也。安定辭者。正其言也。三者正。則無所往而不正。天下雖大。取之修身而無不足。故曰安民哉。

臣按曲禮一篇。爲記禮之首。而毋不敬一言。爲曲禮之首。蓋敬者禮之綱領也。曰毋不敬者。謂身心內外。不可使有一毫之不敬也。其容貌必端嚴而若思。其言辭必安定而不遽。以此臨民。民其有不安者乎。此章凡四言。而修身治國之道略備。其必聖賢之遺言與。

表記

禮記篇名

君子莊敬曰彊。安肆曰儉。

臣按程頤之說。以爲常人之情。纔檢束則日就
規矩。纔放肆則日就曠蕩。學者猶爾。況於人君。
處宮闈之邃。極貴富之奉。儻非以莊敬自持。凜
然肅然。如對神明。如臨師保。其不流於放蕩者。
幾希。彊與儉。主心志而言。莊敬則志立而日彊。
安肆則志惰而日儉。彊則毅然以進德修業。自
任。視天下之善。無不可爲者。雖天行之健。亦思
企及。一或儉焉。則視陰苟安。惟知燕嬉虞樂而
已。趙武晉卿爾。一有儉心事功。遂以不競。況人

君乎。臣因推衍其說。以爲溺心安肆者之戒。

子路問君子。子曰脩己以敬。曰如斯而已乎。曰脩己以安人。曰如斯而已乎。曰脩己以安百姓。堯舜其猶病諸。

臣按孔子答子路之問。其言雖甚約。其理則極至而無餘。蓋自堯舜以來。世相傳授。惟此一敬。臣旣列之於前矣。至若禹之征苗。曰昏迷不恭。侮慢自賢。啟之伐有扈。曰威侮五行。怠棄三正。武王之數紂。曰狎侮五常。荒怠弗敬。謂己有天命。謂敬不足行。夫堯舜禹湯文武。天下之大聖。

也。苗扈商辛。天下之大惡也。而其所以爲大聖
大惡之分者。敬與弗敬而已。君子之爲君子。其
能外是乎。子路未知而復問。故孔子再以安人
安百姓者言之。蓋脩己非求於安百姓而百姓
自安。理之必然無可疑者。然此修身極至之驗
也。故雖堯舜猶病其難。曾謂子路而易之乎。異
時子思作中庸。亦曰君子篤恭而天下平。程頤
推明之曰。上一於恭敬。則天地自位。萬物自
育。氣無不和。而四靈畢至。聰明睿知。皆由此出。
惟

聖明之主。深體而力行之。則天下幸甚。

以上論修己之敬。

臣按自漢以來。世之諸儒。未有深知敬之爲義者。惟程頤有曰。主一之謂敬。無適之謂一。又曰。整齊嚴肅。則心自一。而朱熹又爲之箴曰。正其衣冠。尊其瞻視。潛心以居。對越上帝。足容必重。手容必恭。擇地而蹈。折旋蟻封。出門如賓。承事如祭。戰戰兢兢。罔敢或易。守口如瓶。防意如城。洞洞屬屬。罔敢或輕。不東以西。不南以北。當事而存。靡它其適。

此四言釋無適之意。

不貳以二。不參以三。

惟精惟一萬變是監

此釋主一之義

從事於斯是曰持

敬動靜弗違表裏交正

此二言乃箴之綱領

須臾有閒私

欲萬端不火而熱不冰而寒毫釐有差天壤異

處三綱既淪九瀾亦斁

九瀾謂洪範九疇也斁敗也

嗚呼小

子念哉敬哉墨卿司戒敢告靈臺敬之爲義至

是無復餘蘊有志於聖學者宜熟復之

崇敬畏

事天之敬

舜典在璿璣玉衡以齊七政

在察也璿珠也七政日月五星也

臣按璣衡正天文之器今渾天儀是也舜方歷

試之時納于大麓

納入也大麓大山林麓也

而烈風雷雨弗

迷矣

不迷錯也

使之主祭而百神享之矣逮茲卽位

猶懼己之未當天心焉察璿璣以揆日月五星

之運其循軌邪是天之與我也其失度邪是天

之警我也正如人子之事親候伺顏色惟恐一

毫少拂於親心此大舜事天之敬也

皋陶謨天敘有典敕我五典五惇哉

敘次也敕正也惇厚也

天

秩有禮自我五禮有庸哉

秩品秩也庸常也

同寅協恭和衷

哉

寅敬也協合也衷心也

天命有德五服五章哉天討有罪五

刑五用哉政事懋哉懋哉

懋勉也

天聰明自我民聰明

天明畏自我民明威達于上下

上謂天
下謂民

敬哉有土

臣按帝王居天之位其所職無非天之事者君
臣父子夫婦長幼朋友之典其別有五天之所
敘也待我而厚君臣父子夫婦長幼朋友之禮
其別亦有五天之所秩也自我而不失其常其
可不敬乎寅與恭皆敬也君臣一心恪奉天職
是謂之和衷有德者天之所命也五服之章則
在我有罪者天之所討也五刑之用則在我其
可不敬乎大而命討之政小而命討之事勉之
又勉是亦敬也天之聰明在民天之明威在民

民心所在卽天心也天人一理通達無閒有民社者其可不敬乎此皋陶之告舜者如此隆古君臣之間講論政治無一事不本於天無一事不主於敬真後王所當法與

伊尹作太甲曰先王顧諟天之明命

先王謂湯也顧謂常目在之諟

也是以承上下神祇社稷宗廟罔不祇肅亦敬也肅天

監厥德用集大命撫綏萬方

臣按此太甲不惠于阿衡之時也

惠順也阿衡伊尹之號

故尹作書以湯之所以敬天者告之夫天之明命至可畏也常人視之邈乎幽顯之隔聖人視

之瞭然心目之間故常瞻顧而不敢斯須閒斷
惟恐己之所爲少拂天意則明命去之推此一
心於天神地示社稷宗廟無不祗肅天視成湯
之德如此故大命集焉俾任撫安萬方之責湯
惟敬天天亦睠湯曰顧曰監可見天人之交至
近而非遠也嗚呼爲人主者柰何弗敬

伊尹申誥于王曰嗚呼惟天無親克敬惟親民罔常
懷懷于有仁鬼神無常享享于克誠天位艱哉德惟
治否德亂與治同道罔不興與亂同事罔不亡終始
慎厥與惟明明后先王惟時懋敬厥德克配上帝

合配

也今王嗣有令緒尙監茲哉

監視也

臣按此太甲悔過思庸之後也伊尹猶恐其持
守之未篤則儆之以三言使知天道之無私親
惟敬則親民心之無常懷惟仁則懷鬼神之無
常享惟誠則享而終之以敬德之一言蓋敬則
仁不敬則私欲賊之而不仁矣敬則誠不敬則
私欲雜之而不誠矣曰誠曰仁何所用力惟敬
而已夫有德則必治與治同道則必興成湯之
敬德至與天合太甲其可不與之同道邪能與
湯合則亦與天合矣斯言也豈獨爲太甲謀萬

世人主皆當取法

伊尹作咸有一德曰嗚呼天難諶

諶信也

命靡常常厥

德保厥位厥德靡常九有以亡又曰惟吉凶不僭在

人

僭差也

惟天降災祥在德

臣按此伊尹將告歸之時也太甲處仁遷義伊尹之責塞矣猶慮其德之未一故以斯言儆之曰天難諶者謂今日而善則福之明日而淫則禍之難必信也曰命靡常者有德則歸于我無德則去而之人無定在也吉與祥爲類德之吉則祥應之凶與災爲類德之凶則災從之天雖

難信然常厥德者必保厥位乃所以爲可信也
命雖靡常然有吉德者必降祥乃所以爲有常
也

召誥

成王命召公相宅因作誥

嗚呼

皇天上帝

改厥元子茲大邦

殷之命

紂殷王長子元長也

惟王受命

無疆惟休

休美也

亦無疆

惟恤

恤憂也

嗚呼

曷其柰何弗敬

又曰

天亦哀于四方

民其眷命用懋

王其疾敬德

疾速也

又曰

王敬作所不

可不敬德

所居處也

我不可不監于有夏

監視也

亦不可不

監于有殷我不敢知曰有夏服天命惟有歷年我不

敢知曰不其延惟不敬厥德乃早墜厥命我不敢知

曰。有殷受天命。惟有歷年。我不敢知曰。不其延。惟不敬厥德。乃早墜厥命。又曰。嗚呼。若生子。罔不在厥初。生。自貽哲命。哲智也。今天其命哲。命吉凶。命歷年。知今我初服。宅新邑。肆惟王其疾敬德。王其德之用。祈天永命。祈求也。又曰。上下勤恤。其曰。我受天命。不若有夏歷年。永長也。式勿替有殷歷年。替廢也。欲王以小民受天永命。

臣按召公一誥。丁寧反復。老臣事少主。惓惓之心也。始則謂皇天上帝。改厥元子。大邦殷之命。蓋紂元子也。殷大邦也。其命若未易改。而天遽